



ZIMBABWE SCHOOL EXAMINATIONS COUNCIL
General Certificate of Education Advanced Level

TONGA LANGUAGE
PAPER 2

6056/2

SPECIMEN PAPER 2018

3 hours

Additional materials:
Answer paper

CHIINDI: Mahola aabili achisela

MALAYILILE KULIBASIKUSUNKWA

Lemba zina lyako, mweelwe wabusena mpulikusunkilwa amweelwe wako nusikusunkwa mumyeenya yakulembela njupedwe aapepa lyako lyansandulo/mukabbuku kansandulo.

Sandula mibuzyo yoonse njutasale **muChiTonga**.

Sandula mibuzyo musanu, kube iibili iizwa kuChipanzi **I**, iibili iizwa kuChipanzi **II**, uumwi iizwa kuChipanzi **III**.

Lemba nsandulo zyako mumapepa aakulembela ngwaapegwa.

Naa wabelesya mapepa aabili naa kuti aayindilide, **awange antoomwe**.

NCHENJEZYO KULIBASIKUSUNKWA

Butebuzi bupegwa mubuzyo umwi awumwi naa kapanzi kamubuzyo bulitondeezegwe mumanteeka [] kumamanino aamubuzyo.

Musunko ooyu ulimumapepa musanu aatatu aalembledwe

Copyright: Zimbabwe School Examinations Council, specimen paper, 2018.

CHIPANZI 1

Kuyakwa akubelesesegwa kwamulaka (40 marks).

Sandula mibuzyo **iibili** muchipanzi eechi.

1. Bala lwaano lutobela mpawo usandule mibuzyo iilimunsi.

Bana basimbi bakeenda musinzo mulamfu kabaya kukusambala kulibasikuula. Bangi tebakaziyanda pe nzibakali kuuzya. Bamwi bakanyema kapati nkaambo musinzo wakali mulamfu ngubakeenda aamawulu.

- (i) Amba kuti mabala aayengeledwe munsu ategwani mumbambwemulaka yachiTonga limwi alimwi. [5]
- (ii) Pandulula kuyakwa kwabbala limwi alimwi lyeengeledwe munsu. [10]
- (iii) Abelekede biyeni mabala aayengeledwe munsu limwi alimwi? [5]

2. Bala minchali itobela mpawo usandule mibuzyo iilaansi.

- (a) Chakulya chachifumo nchibwantu.
- (b) Lembalemba mpawo uye kumunzi.
- (c) Babo bakkala kudolopo.
- (d) Nsilyimwinyo ngubakawuma tamvwidwi twaambo.
- (e) KuliSiabulongo nkukwakafwa ng'ombe.
 - (i) Amba kuti mabala aalamyeengo munsu ategwani mumbambwemulaka yachiTonga limwi alimwi. [5]
 - (ii) Pandulula mpawo utondeezye kuti mabala ayengeledwe myeengo munsu ayakwa biyeni limwi alimwi. [10]
 - (iii) Limwi alimwi bbala lyeengeledwe munsu libeleasedwe munsu libeleasedwe biyeni mumunchali? [5]

3. Bala minchali itobela mpawo usandule mibuzyo iili munsu.

- (a) Kwabonekaayi nosekaseka oobu?
- (b) Ooyu tayandi kutwikkila muntu chibbudu chamayila.

- (c) Bana bachibala mabbuku aabo.
- (d) Mukwaansa weenda lino.
- (e) Wasonga aanga mbwiinga.
 - (i) Dombola kuti mabala aayengeledwe munsu ategwani mumbambwemulaka yachiTonga limwi alimwi. [5]
 - (ii) Pandulula kotondeezya kuti limwi alimwi liyakidwe biyeni. [15]

4. Bala minchali itobela mpawo usandule mibuzyo iilaansi.

- (a) Munene ooyu ngumulonda.
- (b) Bawa aaba mbankutwe.
- (c) Zisamu zilamfu nzyenkuni.
- (d) Katuba kabelele kanyonka.
- (e) Balombe aabo balaamanguzu.
 - 1. Amba kuti mbala limwi alimwi lyeengeledwe mweengo litegwani mumbambwemulaka yachiTonga. [5]
 - 2. Pandulula kuti mabala aayengeledwe munsu muminchali iilaajulu ayakidwe biyeni limwi alimwi. [15]

CHIPANZI 11 TUNSIYANSIYA [40 marks]

Sandula mibuzyo **iibili** luzutu muchipanzi eechi.

M. S. Chidwayi : Zilengwa zyaBaTonga.

- 5 (a) Lungulula zizulilide aatala amusobano wamantoombwa naakuti ntuuntu, kogwisya aantanganana ziiyo basobani nzibakali kwiiya mumusobano ooyu. [20]
- (b) Pa bupanduluzi bunikide aatala anzila baTonga mbubali kukwatana akulunga nsiku. [20]
- (c) Pandulula zizulilide aatala alugwasyo lwachilengwa chankolola mubuTonga. Mukubona kwako niinzi chilookupa kuti chilengwa eechi kachilookubunda? [20]
- (d) “Ntwaano biyo twazilengwa zyabaTonga tutachikwe mulimu”. Yooma [20]

CHIPANZI III CHIFWIINSYO [20 marks]

6. Bala lwaano lutobela mpawo usandule mibuzyo itobela.

Muunzi waSimpande waku Kasiya wakali muunzi mupati nchobeni. Bantu biingi bakakkede muzyiinga zyabo kuchilizyania mazyalane aabo. Mumuunzi oomu mwakali kukkala muchembeke sikatungu wakali kutegwa ngu Nzidakulelwa. Muchembeke ooyu taakajisi mwana naba omwe wakulifwisya bukata biyo. Kunyina naba omwe wakazi mukowa wakwe, alimwi takwe awakazi nkwakazwida. Banji bali kuti wakazwa kujwe kumbali alwizi Kasambabezi nyika niyakachili kutontola, kayitana lyatwa mukuwa. Bamwi bakali kuti wakazwida kumilonga yobile kuButwa kunyanya kumulonga kavuwe ngubati sunu Kafue. Taakwe wakazi kasimpe ankakazwida muchembeke ooyu. Bunji bwabantu nibakazyalwa bakajana Nzidakulelwa nkwalikale, alimwi kachembeke kale. Kunyina wakazi myaka yakwe yakuzyalwa. Wenya wali kubaambila kuti wakazwa kule kumasaka avuluma banyama. Wali kubaambila alimwi kuti bakachili bana tebali kukonzya kubala myaka yakuzyalwa kwakwe.

Nkabela bamwi bakayandisya kuziba bamukowa wakwe. Walo muchembeke wakali kuti, “Boonse bamukowa wangu bakamana kufwa zyakaba zyeelo. Ino chigwasyaanzi kwaamba mazina azyeelo? Chigwasya biyo nkubandika twaambo twachiindi echino antela twamazuba achiza kunembo.” Minyaka yobile yakatobelana yakali myaka yachiyumayuma, nkasimpe yakali myaka mibi. Yakali myaka yanzala. Bantu banji bakayiya kulya chiindi chimwi abuzuba, kumagolezya biyo. Mazuba aayo bantu bakajisi chakulya chitabujuli. Michelo yamulusaka bantu bakayimana ntama. Bamwi bantu bakazyama musokwe akaambo kakugonkekelwa. Yakali kulitolela nzala naa nyota.

Bana Simpande boonse bakalibungabunga kuti bajane nzila yakulifutula. Eechi chakali chiindi chakulwaaka. Bakayeeya kuti bamutande ooyu namulomba mumuunzi kakutegwa zyatubisya imvwi mumutwe nguwe utanda mvula. Chiindi chamuswaangano ooyu Nzidakulelwa tebakamwiitide pe kuti walo atole lubazu mutwaambo twamumuunzi. Bakaluba kuti chikonzya kubona mudaala kakkede aansii mwana takonzyi kuchibona nokuba kuti watanta atala amulundu. Kabucha uleta tunji. Nibwakacha sibbuku antoomwe ababetsi bamumuunzi bakatuma mulomo kwiita Nzidakulelwa. Muchembeke wakakaka. Wakatongooka wakati, “Ino sunu mulandiita buti kakuli mazuba woonse antela jilo mwakajisi muswaangano ooyu walo ngumwakatandiita nokuba kundiyeeya?”

Babetsi bakacha kamonse bakati, “Mbukamboniinzi buchiyandikana kuli Nzidakulelwa bwiinda boobu mbwaatondezya bwakunyansya sibbuku ankuta yakwe? Sena tamuzi kuti inkaka kwiitwa njiikabwene? Kulela Nzidakulelwa nkuliminia nzala a lufu nkaambo mvula tiikawi limbi pe. Nzila yakumana nzala, manjaka a lufu njimwi biyo. Nkumutanda muchembeke ooyu mumuunzi.”

Nzidakulelwa wakatandwa mumuunzi. Nibwakacha bakajana kwayuma kkondo. Nkwakatozya chooma awumwi wakakuziba. Ng’anda yakwe bakitenta mbuuli wakali mulozi. Nzidakulelwa wakali namasandu, simaleele ukatazizye.

Chimwi chiindi wali kuboneka kali mbuuli musankwa kakuli mukayintu. Kumwi wakali kulibonia kali musimbi kakuli wenya ulichembeede. Ino nzala yachakulya ameenda yakaya kunembo. Imvula yakacheesya mbuli lyoonse, yakoono kujulu.

Mbubakoona biyo bantu boonse, Nzidakulelwa wakajata lweendo. Wakayabila muchembele mbuuli mulombwana mane kweenda misozi. Wakali kulilila muchembele kumulengi wakwe akaambo kamapenzi mapati akali amulokela mbuuli nchivulamabwe. Mumazuba mache aakatobela wakayaka ng'anda, wakapanda muunda akukunkula. Wakasyanga mbuto zisiyenesiyene.

Lwaano lwazwa mubbuku: Zyaano zyabakubusi (2000) lya M.M. Bbalo, ZEPH.

Mibuzyo

- (a) Lupe mutwe wamakani lwaano oolu. [2]
- (b) Fwiinsya lwaano oolu mumabala alaakati kamakumi musanu aane a mwaanda (90 – 100) kolanga buumi bwa Nzidakulelwa mwa Simpande antoomwe amapenzi akaswanwa abana Simpande mulwaano. [18]

BLANK PAGE

BLANK PAGE

BLANK PAGE